

上清太玄集卷之十

姑射侯善淵述

林泉養浩

寂寞山居好蒼峯只一家問云何是道笑指洞雲霞

寂寞山居好溪深水照天問云何是道笑指玉峯川

寂寞山居好臨風對月華問云何是道笑指翠煙霞

寂寞山居好雲橫碧洞長問云何是道笑指雪中霜

寂寞山居好煙嵐碧嶂間問云何是道笑指白雲閑

寂寞山居好林泉跨玉壺問云何是道笑指一輪孤

寂寞山居好黃梅噴苑香問云何是道笑指滿天光

寂寞山居好孤雲鎖翠巖問云何是道笑指鶴冲天

寂寞山居好青松倚羊空問云何是道笑指

上靈宮

寂寞山居好紫扉半掩斜問云何是道笑指夜明砂

搜真絕念

父母无情戀修行志意參問云何是道笑指

慧光耽

兄弟无情戀修行志意功問云何是道笑指

慧光通

妻子无情戀修行志意推問云何是道笑指

慧光輝

兒女无情戀修行志意搜問云何是道笑指

慧光流

恩愛无情戀修行志意復問云何是道笑指

慧光射

名利无情戀修行志意猜問云何是道笑指

慧光開

酒色无情戀修行志意求問云何是道笑指

慧光眸

財氣无情戀修行志意窮問云何是道笑指

慧光瞳

富貴无情戀修行志意尋問云何是道笑指

慧光心

世類无情戀修行志意明問云何是道笑指

慧光睛

破邪歸正

莫覓鉛中汞休尋汞裏鉛問云何是道笑指

玉花蓮

何必搜心腎无勞論肺肝問云何是道笑指

古長安

莫論周天法休窮火候問云何是道笑指

水晶宮

不必修陰性无由養幻心問云何是道笑指

水中金

莫覓龍和虎休尋蛇與兔問云何是道笑指

暮雲晴

服餌多生病休糧腹轉虛問云何是道笑指

耀天珠

漱藥重增病吞霞護役情問云何是道笑指

水銀城

達士何燒煉迷徒說採陰問云何是道笑指

曲江心

不煩頰禮念馬用日持齋問云何是道笑指

桂花開

莫論精和氣休窮虎與龍問云何是道笑指

玉芙蓉

忘機息慮

性拙心難悟情迷道不通問云何是道笑指

紫微宮

擺脫名纏絆衝開利鎖牽問云何是道笑指

古溪邊

世事多繁繁修真理不繁問云何是道笑指

火龍翻

性淳无橫禍心直免非災問云何是道笑指

落紅梅

情忘心返朴意滅性歸淳問云何是道笑指

上靈椿

了真非執相悟理勿勞形問云何是道笑指

轉燈庭

念濁心難悟情昏性轉疑問云何是道笑指

太淵池

名利時時少功修漸漸多問云何是道笑指

翠煙蘿

心寬包法界量窄不容毫問云何是道笑指

鶴飛阜

貪婬心性昧戒色忝神靈問云何是道笑指

月華清

開明演化

達士歸真正凡夫盡落非問云何是道笑指

月明溪

後已為真行先人體聖功問云何是道笑指

白雲中

欲要登仙位須憑志駕堅問云何是道笑指

月當軒

有客尋機要无人達妙玄問云何是道笑指

五千言

无為猶是幻有作又成非問云何是道笑指

紫雲芝

三教歸一體萬法悉皆同問云何是道笑指

太虛中

盡被无明障都緣業火牽問云何是道笑指

日光輝

指迷如引線得悟若穿針問云何是道笑指

玉壺金

見有非為有言空未必空問云何是道笑指

坎馮中

欲求清淨法莫共利名交問云何是道笑指

白雲拋

通微真要

玉女籠輕素金銀素絳紗問云何是道笑指

日晶華

海藏凝珠翠龍宮伴水銀問云何是道笑指

玉京春

鬼子穿金尸神公透玉牕問云何是道笑指

汨羅江

黃婆乘白馬赤子跨青牛問云何是道笑指

月當秋

乾坤相否泰日月自交光問云何是道笑指

水銀行

抽添分水火加減警陰陽問云何是道笑指

白雲房

金龍蟠寶鼎玉虎遶丹爐問云何是道笑指
一冰壺

風吹寰宇靜雨過暮雲晴問云何是道笑指
太虛明

幽微神莫見玄妙鬼難看問云何是道笑指
玉爐寒

冲天生瑞炁滿地泛靈砂問云何是道笑指
羨金花

除邪決正

鼎煉三尸滅爐燒五鬼亡問云何是道笑指

碧天長

剪斷青龍尾劈開白虎頭問云何是道笑指

月華樓

豁開金水岸劈碎玉京山問云何是道笑指

夕陽關

慧刀誅鬼神^{上十}劍斬妖魔問云何是道笑指

上天河

龍吟青霧起虎嘯黑風生問云何是道笑指

太陽星

劍封三界靜符鎮五方安問云何是道笑指

玉虛壇

強兵除六害戰勝殺三尸問云何是道笑指

轉光旗

敲開無縫鎖打碎鬼門關問云何是道笑指

玉連環

屏欲憑神劍除情仗慧刀問云何是道笑指

月登高

酒色財和氣都來一劍揮問云何是道笑指

白雲飛

頭真釋偽

滯法難明祖窮經不見宗問云何是道笑指

玉華峯

見物中无相明空復有形問云何是道笑指

古風庭

堪歎浮生事於身不久長問云何是道笑指

甲龍光

濟物難明性迴觀認本心問云何是道笑指

洞淵深

上通三界遠下達九幽深問云何是道笑指

碧波心

盡說无中有皆言有裏无問云何是道笑指

太玄珠

地裂分金井天開湧玉泉問云何是道笑指

月中仙

迷邪千里遠悟正亦非遙問云何是道笑指

玉芝苗

執有皆非有知空未是空問云何是道笑指

碧潭中

无心由自障作相亦為魔問云何是道笑指

定風波

混俗无雜念和光不滌塵問云何是道笑指

自然人

月澄天地秀風靜太虛寬問云何是道笑指

紫金丸

雲根生瑞草水谷秀靈芽問云何是道笑指

玉皇家

擊物三江響敲空四海鳴問云何是道笑指

洛陽城

壺中收日月鼎內撮乾坤問云何是道笑指

太玄門

赤蛇水底轉烏龜火裏朝問云何是道笑指
微丹霄

滿山輕霧起極目淡煙橫問云何是道笑指
兩初晴

水中青到蛭雪裏白蝦蟆問云何是道笑指
大牛車

金雞如走玉玉兔似飛金問云何是道笑指
五雲深

志清如玉潔謹靜若冰清問云何是道笑指
玉京城

三一混元

東海陽光燦西江月色鮮問云何是道笑指
地和天

燒成兩鼎藥煉成一爐丹問云何是道笑指
玉京山

願神如朗月通道若清風問云何是道笑指
玉晨宮

兩條玉拄杖一對剔天關問云何是道笑指
雪三間

木人三隻眼石女兩雙眉問云何是道笑指

水牛兒

崑崙開兩曜頂上現三星問云何是道笑指
洞圓成

劈開天鼎眼露出香冥精問云何是道笑指
紫芝生

睜開眉底眼露出目中睛問云何是道笑指
珙光瑛

道心常不昧法眼自然明問云何是道笑指
素光清

舒眉開慧眼俊目現神光問云何是道笑指
露明堂

題

題題訣正除迷開妙教演真機分明直指脫
灑無疑安言天地折速報業相隨兩眼滴為
凝血一身墮落頌危鄭都永受刀山劫萬刀

攢身剗肉泥

訣

訣訣方便提挈救群生無分別大道明傳天
機漏泄煉性似銀霜透入玲瓏雪放開兩道
清光抱定一輪明月壽同天地永無窮不離

目下朝金闕

善

善善慈悲方便行周旋功施遍普濟群生不
分貴賤應物顯真常露箇靈靈面一條炁焰
明空兩點神光出現秘受天符玉帝宣金童
引入長生殿

惡

惡惡嫌貧欺弱損道德行輕諾善惠不為兌
豪喜作狡佞虎狼心很毒窺人藥鄴都謹責
無詞罪感剛鋒焰燦寒冰凜凜劔千層身遭
悔慎前程錯

戒

戒戒於身穩快去三毒除六害斷除邪見莫
學奇怪今世不修真來生還宿債清廉謹慎
無私處一勿生憎愛聚散氣噴炁噴炁香祥光
結就天花蓋

定

定定願神養命守真源歸真正默照澄清家
家虛靜沖玄固蒂真契道心通聖自然百怪
潛藏始覺萬神齊慶混合靈光入太初空中

現出明心鏡

清

清清絕念忘情修正覺頓圓成海靜沖虛浩
淵林京玉壺秋水冷金井碧寒傾雲開露出
高天靈臺皎潔分明三千境上澄神廓月樓
獨坐看蓬瀛

靜

靜靜虛心入定立真功修真行灑灑清涼澄
澄覺性湛湛素波淵渺秋江映三天明月
無塵萬里仙風碧瑩物物頭頭一劍揮孤然
獨坐修身命

稽

稽稽歸元復始有中生無中起神遊漠漠貫
穿表裏內外覺虛空三陽流入體同塵物我
歸元萬化生乎無彼碧潭一派起寒光遍照
蓬壺明徹底

首

首首通神戶牖望南辰時此斗千變之尊萬
化之主運機天斗柄斡轉夷門時闌開玉兔
金精混合靈空惠口曠然溢目遍生涯昇玄

道太元中有

珍

珍珍無舊無新除貴賤絕疎親自然昇降暗
攝鬼神光明沖赫日皎潔瑩無塵大道同觀
一體悟來無我無人七寶林中嬰姪戲高空
風月近為鄰

重

重重無極無盡日月同天地共過濟虛空撼
搖不動翕鄂不織瑕赫爽象无縫用吾大力
神通撈碎細微可近任從烏兔往來飛靈光
始覺知常用

修

修修慷慨迴頭開道眼關清眸華池沖滿神
水盈流日光明淨境月瑩照清秋坐看天文
玉篆行騎地馬金牛昊景經行無過跡越踏
天空物外遊

行

行行謹慎至誠修上士處无爭願神養炁保
命長生步虛通大道旋遠踏空清古運端然
夷正不迷郊野奔傾路上紅塵飄不到一程

遊觀上琳京

刀

刀刀三尺吹毫无垢膩絕塵翳翦除鬼魅劈
碎塵勞山頭擒兇虎海底斬龍蛟夜寄南辰
北斗明封海岳天腰揀入空中人不識一條
清氣上丹霄

槍

槍槍致大無方輝日燦耀天光善降鬼魅戰
退魔王豁開圓覺海刺透碧空蒼立起衝天
柱地橫持鎮壓邊疆學人還會金槍法不戀
蛆蟲臭穢瘡

龍

龍龍異出超群行勇猛生英雄口噴炎火耳
啞寒風兩眼藏日月一腹納乾坤舒爪板翻
法界磨角捺透崑崙一聲霹靂驚天吼三江
四海盡知聞

虎

虎虎中央叱毋衆獸王群山祖勇猛英雄乾
坤主甫一毛吞四海兩眼消今古板山動地
搖天跑空踏開紫府怒然哮吼聒天衢一聲

震地驚玄武

神

神神無相法身心之寶道之珍大包天地細入微塵撥開星斗柄輪轉日光輪暗藏不測之機明分太古玄真區破千門開萬法長空灼灼化陽純

炁

炁炁無遮無閉天地根虛无系大道相通神機相契匪界混元冲冲和周普濟綿綿運息通融默默願真相制自然虛谷化元神玉花散處朝天帝

明

明明地靜天清太虛闊曠然宏寰中虛靜海島雲晴早日炎炎燦神光現現凝照鑒萬物臨晞銀淵滿目夷平靈空任我精神戲玉童跳入水晶城

精

精精透日沉瀛氤氳秀瑞蒸生風恬浪淨泛暈流星交光烹玉雪耿耿月華明乾坤立為金鼎澍溢滿水銀平听天擊玉翠霞琳燦燦

寥空現太清

真

真真學淨光新細無測大無窮彌羅元始梵昊表通風清飄坎月朗射萬宮在欲神淵無欲居塵道大無塵道兮非道知常道神化無神所以神

空

空空太極相通含大象盡包容五行不到八卦難窮寥空冲上下落落任西東無跡無形無影非青非綠非紅亘古亘今難辨別強名大道立乾坤

見

見見本來頭面閉慧目神光現鑒煥無形太空出現兩道雷光飛燦爛銀如練隨機物我同居應用知常萬變一輪慧目射天堦玉嬰跳入通明殿

聞

聞聞審意沉沉歸本性覺真心滌除鄭衛聲色不侵是非為入耳常聽虎龍吟不鼓自然天樂鳴聞太古之音惠谷聰聰清韻響一聲

透入九霄林

知

知知內外天機通真妙達玄微無修無證無作無為玲瓏光翡翠龍子墨朱衣表裏明通瑩徹心開萬法皆非寰海一輪心月顯精華閃出耀光輝

覺

覺覺周遭一匝有神通無名朴通體虛空法亦非法達者本無為不悟雙睛瞎分明說破玄機對面神思渺遊一條天運淨無塵金烏逆散銀光撒

盡

盡盡地搖天運透各神通玄北習之彌遠用之彌近遠望越天衢近者通方寸尋尋地角無蹤渺渺婆娑不動現銘清虛體太空陽淵廣大誰無分

德

德德香冥恍惚外虛心內實腹月匝萬宮清風入國一顆耀天珠照破無明黑同塵耿耿融和貫世錫錫無物一陰消盡一陽生虛空

遍濟無瑕玉

可

可無因無果絕貪嗔去人我意靜消煙心
清滅火踢破祖師關掣開龍鳳鎖瓊琳寶貝
無窮內隱玄珠一顆玄珠分處玉嬰朝滿懷
抱定金蓮朵

儀

儀儀照坎明禹神相契道相携望空拏住心
上無迷天清通妙法地靜得幽微天地心同
一體明分曠劫希夷亘古綿綿無所契神遊
碧落太淵齊

為

為為了正無迷開性覺悟心知滌除作用不
念禪機般般都打過物物劍光輝體合天空
海靜悟來萬法皆非玄中自有香風動神化
澆漓月滿西

帝

常常靜坐消詳頓靜境覺清涼開明童子引
入仙鄉篆煙籠地秀炳燭耀天光賜我蟠桃
桂酒醺醺醉卧高陽養聞一派清音奏玉女

爭扶入洞房

陽

陽陽徧滿諸方德顯化道開張金精流落寶
篆飛光光飛盤漢骨紅染太空蒼返照不離
日用還元始覺真常刺盡純陰通古道神丹
無礙得天長

閑

閑閑至聖非凡朝靜境出塵寰真真相濟物
物無攀水雲常伴伴風月是鄉關渴飲壺中
桂酒醉來獨卧崑山雲深一覺遊仙夢恣恣
逍遙天地間

蛇

蛇蛇青春二八自合宜同啐啄玉貌清肌風
流俊雅匹配綉幃眠夢裏同驚覺忽然跳出
羅房一把金花亂撒眼前相守不分離一心
明契晨宮匝

息

息息孤然獨立外不侵內無入出自真心本
無形質寂寂至虛堂堂寥寥居靜室兩條畫燭
明空光鑒一輪炎日箇中端的有何疑清淨

無為萬事畢

妙

妙妙光而不耀望天躬飛空眺太極玄微曠
無邊微水月鑒空蒼返復迴光照萬法悟歸
一法一法在乎三要存三守一炁神清點化
陽精降九竅

法

法法無問無答通玄覽處絕學不在名言知
空頓覺頓覺道無心因心同啐啄混融日月
齊明徧應山川海嶽天性人考人性天自然
一點無名朴

道

道道機密深奧真實相無形貌玄中之玄妙
中之妙萬物稟然滋發用非為造運行日月
飛空過散十方照耀悟來無地亦無天聖人
假立虛名號

德

德德滋生萬物徧東西徹南北灼灼無形太
空默然擘開龍鳳髓劈碎天筋骨金精迸撒
流霞透入乾坤恍惚神光燦燦結團紅收來

送入金烏窟

水

水水消消不止上無波下無底空中湧之龍膏鳳髓一味灌心田潤養修真體肌膚淨若冰霜純陽自無陰鬼俊目扶眉越太虛不移一步空中起

池

池池柳岸堤垂分水谷照寒溪金波輕泛玉液澆漓銀蟾拋雪浪照眼渺瀾瀾潤谷溪波流濟沖和萬化安順華池神水家家有達者無為無所為

液

液液自然消息育清肌養靈質外按周天內合神室萬宮沖滿濟照眼素光滴玄霜混結成膏精燦紅如赫日胎星一點越仙宮面現三清功已畢

丹

丹丹天地之間飛鳳遠火龍翻樞機養要幹轉金闕取三光精髓返七竅循環一九復藏宇宙變化吸海吞山頓覺飛昇朝紫闕標名

玉薄列仙班

性

性性靈源通聖無知覺絕視聽清似寒泉明如寶鏡鑿煥亦無形物來同相應知心離欲觀空對境自分邪正夜宿蟾宮折桂花投明跳入金烏徑

命

命命勿令爭競順時行隨時應清淨恬然完容氣感精秘固神全始覺真心定身中血化為膏骨肉均融瑩淨丹就純陽出五行玉虛降勅傳宣令

鈔

鈔鈔無際無邊精鬱鬱然綿綿動生萬物海靜幽玄幽玄天地隨動靜道根元視之非無非有聽之默默寂然玉壺冰潔清心骨湛湛雲家雪月天

汞

汞汞寂然不動道之通神之用穿金透石綉劈無縫玉嬰籠寶月戲把水晶弄一天銀霧交光閃爍非遙非近權為聖祖道家風古音

透入清清韻

理

理理日精月髓上通天下徹地內外相交其神不鬼炳耀烈天衢煥然光入體方圓曲直隨形上善心淵若水凝空落落碧潭清湛湛圓明融徹底

一

一一難體難習邪中正曲中直大方無隅寂家獨立分明在目前對面人不識取捨不增不減搜尋無盡無極亘古一靈真性顯迴光返入太空實

測

測測測測汗渺陌絕搜尋無瑕謫非有非無不空不色曠大大無寬微細無窄思之冥默竟飛想兮雲家散魄無盡無窮無所知或去或來如過客

惚

惚惚惚惚坤拍塞混元中疑虛谷空中不空物無其物有物混玄元元元沖上德神光杳杳冥冥道化昏昏默默了然一法奪天機太一

臺中真軌則

玄

玄玄太極無邊下移地上通天三光精秀一
蒸明傳爐門開兩路龍虎鬪爭先戲弄明珠
出海拋天滾地聲喧丹成蛻殼遊三島閬苑
逍遙不記年

靈

靈靈秀秀神清凝奔月眩飛星高空惠照大
地獨明皎潔如冰雪玲瓏似水晶恍恍乾坤
瑩淨輝輝滿國清平五方霞彩收歸鼎兩耀
交光入寶瓶

天

天天淵淵玄玄千機主萬化權仰之彌高鑽
之彌堅上侵元始界下覆大無邊澄湛五行
之外杳冥八卦之前初分一炁三才首獨立
寥寥象帝先

機

機機體道心知開惠目悟希夷移神萬變妙
化无為无為生一炁一炁運三奇混合精微
淳古經行住上无疑見物明心心離物冥冥

杳杳別威儀

溪

溪溪古岸金堤盈道眼惠光輝消消不止流
入天池水碧開清谷淵深動渺瀾夾岸遊魚
作戲波心湧出靈龜口噴紅霧金砂結養就
神丹合聖機

丸

丸丸撮聚眉攢通道眼體幽玄應物現機隨
方就圓照見靈陽覺神明法界寬天地循環
日月空中虎逸龍蟠丹臺捧出三光燦晶耀
无瑕玉一團

芽

芽芽功可奇加深根蒂勿令差常添永水日
進鈿砂靈苗初出土開泛美金花嫩勝常娥
丹桂翠如王母仙葩收來堪赴長春會敢去
瑤池閬苑誇

雪

雪雪无寒无冽有中生空中設縹緲无間玲
瓏瑩徹晃耀太虛明燦然光皎潔長天素若
銀江大地獨如玉屑炎炎紅日煎難消四時

常伴高空月

然

然然至妙幽玄明真性育靈源有傳無授得
意忘言三田精鬱鬱一息炁綿綿出入不離
玄牝莫將口鼻為緣无為鼎內三花秀產出
紅爐七葉蓮

密

密密无形无跡納清風招惠日湛湛孤然寥
寥獨立千點素光清萬派靈源質其中產箇
明珠點化胎仙是畢悠悠三界出洪波蓬萊
路上知端的

上清太玄集卷之十